

par le don de guerifons, qui se font enfuiuies de l'usage & application du Crucifix & eauë [41] benite. Mais les souffrances endurées pour vn Sauueur crucifié font preferables à tout cela.

Voila en general quels ont esté les trauaux & les fruicts de cette année. Deuant que ie l'explique plus en particulier, ie ne puis que ie ne remercie icy au nom des bons Anges de ce pays, Messieurs de la Compagnie de la Nouvelle France, qui vont tous les ans augmentant leurs charitez enuers ces pauures peuples, Ils se peuuent bien affeurer qu'a proportion se trouuera vn iour augmentée la part qu'ils ont fujet de pretendre aux merites de tout ce qui se fait & se passe icy, dont ie prie Dieu de tout mon cœur de leur donner dès cette vie des gages & affeurances telles qu'ils peuuent desirer.

Ie ne diray rien icy des obligations continuelles que nous auons à Monsieur le Cheualier de Montmagny nostre gouverneur: tout ce que i'en pourrois dire est au deffous de son merite, & des reffentimens que nous en auons. Ie prie la diuine bôté d'auoir agreables les prieres que nous nous tenõs obligez de faire pour sa fanté & prosperité; & de celle de tous [42] ceux de l'vne & l'autre France, à la charité desquels cette mission du bout du monde à de si grandes & particulieres obligations.